

Broj: 03-04-800-9/2025
Sarajevo, 20.10.2025. godine

Primijeno: 20-10-2025			
Org. jed.	Broj	Priloga	Vrijednost
05/1	- 02 -	428	125

PARLAMENT FEDERACIJE BOSNE I HERCEGOVINE

Predstavnički dom

gosp. Sanel Kajan, poslanik
gosp. Ivan Miličević, sekretar ✓

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva okoliša i turizma, broj: 07/19-644/25 od 15.10.2025. godine, koji sadrži odgovor na poslanička pitanja, koja je postavio poslanik Sanel Kajan.

S poštovanjem,



SEKRETAR VLADE
dr. sci. Edita Kalajdžić

Prilog: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 07-19-644/25
Sarajevo, 15.10.2025. godine

BOSNA I HERCEGOVINA
Federacija Bosne i Hercegovine
n/r sekretar dr.sci. Edita Kalajdžić
Vlada Federacije BiH
Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 17.10.2025			
Organizaciona jedinica	Klasifikacioni broj	Predni broj	Broj priloga
03-04-800-9/2025			

PREDMET: Predmet: Odgovor na zastupnička pitanja, dostavlja se
Veza: Vaš akt broj: 03-04-9/2025 od 04.09.2025. godine

Poštovani,

Vašim aktom, broj i datum iz veze, dostavili ste ovom federalnom ministarstvu zastupnička pitanja, koja je postavio zastupnik Sanel Kajan, zastupnik u Predstavničkom domu Parlamenta Federacije BiH.

Zastupnička pitanja glase:

1. Koliko je ukupno novca ove godine planirano iz budžeta Federalnog ministarstva okoliša i turizma za Grad Stolac?
2. Za koje se konkretno svrhe taj novac izdvaja?
3. Koliko je novca tokom ove godine uplaćeno Gradu Stocu i za koje projekte?
4. Koliko je u istu svrhu prošle godine uplaćeno Gradu Stocu i za koje projekte?
5. Da li se pri dodjeli novca vodilo računa o nacionalnoj strukturi zaposlenih u javnim ustanovama Grada Stoca? Ako nije, zbog čega nije?
6. Prema dostupnim podacima, Ministarstvo turizma i zaštite okoliša finansijski podržava i projekat pod nazivom „Postrojba vitezova herceg Stjepana Kosače“. Molim pojašnjenje o kakvoj „postrojbi“ je riječ i na koji način se ovaj projekat uklapa u strateške prioritete ministarstva?

Na postavljena zastupnička pitanja u skladu sa nadležnostima ovog ministarstva dajemo sljedeće odgovore:

1. Federalno ministarstvo okoliša i turizma raspoređuje sredstva putem javnih poziva za transfere u oblastima turizma i zaštite okoliša. Na ove pozive mogu se prijaviti svi zainteresovani subjekti, uključujući jedinice lokalne samouprave, organizacije i druge pravne osobe sa područja cijele Federacije BiH, pod uslovom da ispune kriterije propisane javnim pozivom i dostave potrebnu dokumentaciju i projekte. Shodno tome, Ministarstvo ne dodjeljuje novčana sredstva direktno.

2. Sredstva se dodjeljuju na osnovu jasno definisanih kriterija, a proces evaluacije je transparentan i provodi se u skladu sa važećim propisima. Stoga, svi potencijalni korisnici sredstava se pozivaju da prate javne pozive Federalnog ministarstva okoliša i turizma i, ukoliko ispunjavaju uslove, apliciraju sa svojim projektima u skladu s objavljenim uputstvima.

3. U toku ove godine, Gradu Stolac su dodijeljena sredstva u novčanom iznosu od 76.000,20 KM za sufinansiranje projekta "Sanacija postojeće deponije komunalnog otpada Stolac-I faza" kojim su aplicirali na Program 2 Javnog poziva za odabir korisnika sredstava "Tekući transferi drugim nivoima vlasti i fondovima – Akcioni plan strategije okoliša" za 2025. godinu, broj: 07-19-10-366/25 od 19.06.2025. godine.

U skladu sa Elaboratom zaštite okoliša za sanaciju odlagališta otpada Radimlja Stolac, broj: 370/15, predviđene su 4 (četiri) faze radova do konačnog zatvaranja deponije. Dakle projekat Sanacija postojeće deponije komunalnog otpada Stolac I. faza podrazumijeva pripremu terena, čišćenje terena, sakupljanje rasutog otpada, te deponovanje istog, a s druge strane četvrta faza podrazumijeva završno uređenje deponije i rekultivaciju zemljišta, što u konačnici znači zatvaranje iste. Federalno ministarstvo okoliša i turizma sufinansira sanaciju postojeće deponije komunalnog otpada Stolac I. Faza, dakle radi se o gradskoj deponiji Radimlja na koju se odlaže sav komunalni otpad sa područja Stoca.

U 2025. godini također su se sufinansirali projekti za "Kapitalni i Tekući transferi drugim nivoima vlasti i fondovima -Transfer za razvoj turizma u Federaciji BiH" za 2025. godinu. Odlukom o izboru korisnika sredstva i dodjeli sredstava za sufinansiranje projekata "Kapitalni transferi drugim nivoima vlasti i fondovima -Transfer za razvoj turizma u Federaciji BiH" za 2025. godinu, Grad Stolac nije imao projekata koji su odobreni za sufinansiranje.

Odlukama o izboru korisnika sredstava i dodjeli sredstava za sufinansiranje projekata „Tekući transferi drugim nivoima vlasti i fondovima – Transfer za razvoj turizma u Federaciji BiH“ za 2025. godinu za Programe 1., 2., 3., 4. i 5. Grad Stolac je sufinansiran sa sljedećim projektima:

Program 1. „Program podrške manifestacijama od internacionalnog značaja za razvoj turizma Federacije Bosne i Hercegovine (festivali, sajmovi, konferencije, turističko-gastronomski i kulturno-umjetnički događaji: Udruga Povijesna postrojba, Vitezovi Herceg Stjepana Kosače, projekat Stolačka tarča 2025 u iznosu od 25.456,00KM.

Program 2. „Program podrške manifestacijama od značaja za razvoj domaćeg/lokalnog turizma Federacije Bosne i Hercegovine (festivali, sajmovi, konferencije, turističko-gastronomski i kulturno-umjetnički događaji)“, Udruga građana Inicijativa Stolac, SMART fest (Stolac Music and ARTs festival) 2025 u iznosu od 11.000,00KM.

4. Odlukom o izboru korisnika sredstava i dodjeli sredstava za sufinansiranje projekata „Kapitalni transferi drugim nivoima vlasti i fondovima- Transfer za razvoj turizma u Federaciji BiH" za 2024. godinu za Program 2. Sufinansiranje podrške projektima u funkciji razvoja održivog turizma, na destinacijama od šireg prirodnog i kulturno-historijskog značaja za Federaciju BiH - radovi na rekonstrukciji, sanaciji i unapređenju objekata i lokaliteta te izrada projektne dokumentacije za navedene aktivnosti, Gradu Stocu su dodijeljena sredstva za projekat Rekonstrukcija, sanacija i adaptacija objekta buduće Gradske Vijećnice arhiva i muzeja u iznosu od 34.615,00 KM.

5. Javne ustanove nisu bile sufinansirane budžetom za 2024. godinu od strane Federalnog ministarstva okoliša i turizma, a pri dodjeli finansijskih sredstava za 2025.

godinu u Javnim pozivima nacionalna struktura zaposlenih nije bila propisana kao kriterij za dodjelu finansijskih sredstava.

6. Projekt pod nazivom „Postrojba vitezova herceg Stjepana Kosače“ nije zaprimljen niti odobren za finansiranje u ovom Ministarstvu, budući da takav projekt formalno ne postoji u okviru dostavljenih aplikacija.

Napominjemo da je Udruga „Povijesna postrojba Vitezovi Herceg Stjepana Kosače“ ostvarila finansijsku podršku u iznosu od 25.456,00 KM za realizaciju projekta „Stolačka tarča 2025“, koji je odobren u skladu s propisanim procedurama i kriterijima Javnog poziva.

Također, Javna ustanova „Radimlja“, koja je aplicirala na Program 3: Sufinansiranje podrške projektima za nabavku sredstava za rad u svrhu promocije specifičnih oblika turizma – Kapitalni transfer, nije odobrena za sufinansiranje. O rezultatima su uredno obaviješteni putem objave Odluke na službenoj web stranici Ministarstva.

S poštovanjem,


MINISTARICA
Nasiha Pozder
dr. sc. Nasiha Pozder

Dostaviti:
-Naslovu
-Arhivi